



**PEKELILING PENTADBIRAN
BILANGAN 3 TAHUN 2020**

**KENAIKAN KADAR
BANTUAN SARA HIDUP
DI UNIVERSITI TEKNIKAL MALAYSIA MELAKA**

Pejabat Pendaftar

2 Januari 2020 | 6 Jamadilawal 1441H

Disalinkan kepada:

Naib Canselor

Timbalan Naib Canselor (Akademik dan Antarabangsa)

Timbalan Naib Canselor (Penyelidikan dan Inovasi)

Timbalan Naib Canselor (Hal Ehwal Pelajar)

Penolong Naib Canselor (Jaringan Industri dan Masyarakat)

Penolong Naib Canselor (Pembangunan dan Pengurusan Fasiliti)

Pegawai-Pegawai Kanan

YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTeM.02.14.02/100-3/2/1 JLD. 3 (3)

2 JANUARI 2020
6 JAMADILAWAL 1441H

PEKELILING PENTADBIRAN BIL. 3/2020

KENAIKAN KADAR BANTUAN SARA HIDUP DI UNIVERSITI TEKNIKAL MALAYSIA MELAKA

1.0 TUJUAN

Pekeliling Pentadbiran ini bertujuan untuk memaklumkan kepada pengetahuan semua staf Universiti Teknikal Malaysia Melaka (UTeM) mengenai pemakaian Pekeliling Perkhidmatan Bilangan 7 Tahun 2019 (Kenaikan Kadar Bantuan Sara Hidup) di Universiti Teknikal Malaysia Melaka.

2.0 LATAR BELAKANG

- 2.1 Kerajaan telah memperuntukkan pemberian Bantuan Sara Hidup melalui Pekeliling Perkhidmatan Bilangan 3 Tahun 2012. Pemberian Bantuan Sara Hidup adalah bertujuan untuk meningkatkan kesejahteraan dan kebajikan Pegawai Perkhidmatan Awam.
- 2.2 Pekeliling Perkhidmatan Bilangan 3 Tahun 2012 tersebut telah diterima pakai di UTeM dan dihebahkan kepada staf UTeM melalui Pekeliling Pentadbiran Bilangan 7 Tahun 2012 (Kenaikan Kadar Bantuan Sara Hidup Kepada Staf UTeM) bertarikh 12 April 2012. Selain daripada itu, Surat Edaran Jabatan Perkhidmatan Awam (JPA) bernombor rujukan JPA(S)63/57/2 Klt.8(97) bertarikh 08 Februari 2010 mengenai pemberian Bantuan Sara Hidup kepada pegawai Perkhidmatan Awam yang mengikuti kursus atau cuti belajar jangka panjang mengikut lokasi institusi pengajiannya juga telah diterima pakai di UTeM menerusi Surat Edaran Pentadbiran Bilangan 22 Tahun 2010.
- 2.3 Terkini, menerusi Pekeliling Perkhidmatan Bilangan 7 Tahun 2019 (Kenaikan Kadar Bantuan Sara Hidup), pihak Jabatan Perkhidmatan Awam (JPA) telah

memaklumkan keputusan Kerajaan berhubung pemberian Bantuan Sara Hidup (*Cost of Living Assistance* - COLA).

- 2.4 Selanjutnya, Mesyuarat Lembaga Pengarah Universiti Bil. 6/2019 yang bersidang pada 18 Disember 2019 telah bersetuju untuk menerima pakai Pekeliling Perkhidmatan 7 Tahun 2019 (Kenaikan Kadar Bantuan Sara Hidup) dengan pindaan.

2.0 PELAKSANAAN

Staf Yang Layak

- 3.1 Staf yang layak Bantuan Sara Hidup adalah seperti berikut:-
- a. Kumpulan Pengurusan dan Profesional serta Kumpulan Pelaksana;
 - b. lantikan tetap, sementara, kontrak (*Contract of Service*);
 - c. diluluskan sebarang jenis cuti bergaji penuh;
 - d. diluluskan Cuti Belajar Bergaji Penuh di dalam negara dibayar mengikut lokasi institut pengajian; atau
 - e. diluluskan Cuti Belajar Separuh Gaji di dalam negara dibayar atas kadar separuh mengikut lokasi institut pengajian.

Staf Yang Tidak Layak

- 3.2 Staf yang tidak layak diberi Bantuan Sara Hidup adalah seperti berikut:-
- a. Kumpulan Pengurusan Tertinggi;
 - b. memangku atau dipinjamkan untuk menyandang jawatan Kumpulan Pengurusan Tertinggi;
 - c. pegawai *Contract for Service*;
 - d. dibayar Bayaran Insentif Wilayah;
 - e. berada dalam skim saraan agensi yang diasingkan pengurusan saraannya;
 - f. dipinjamkan ke badan antarabangsa atau syarikat swasta;

- g. dibayar Elaun Perbezaan Sara Hidup;
- h. diluluskan cuti belajar di luar negara melebihi satu (1) tahun; atau bercuti tanpa gaji.

Kaedah Pelaksanaan dan Kadar

- 3.3 Bantuan Sara Hidup dibayar mengikut tempat kerja (pejabat) staf atau Institusi Pengajian bagi staf yang diluluskan cuti belajar/kursus jangka panjang dalam negara.
- 3.4 Bagi staf yang diluluskan cuti belajar/ kursus jangka panjang dalam negara di Sabah, Sarawak atau Labuan; kadar Bantuan Sara Hidup adalah mengikut Kawasan A.
- 3.5 Kadar Bantuan Sara Hidup adalah seperti di **Jadual 1** berikut:-

Jadual 1: Kadar Bantuan Sara Hidup

Kawasan	Kadar Sebulan (RM)	
	Kumpulan Pengurusan & Profesional	Kumpulan Pelaksana
Kawasan A	300	350
Kawasan B	250	300
Kawasan C	150	200

- 3.6 Kawasan A dan B adalah berdasarkan persempadanan kawasan pentadbiran Pihak Berkuasa Tempatan (PBT) yang ditetapkan seperti berikut:

Pihak Berkuasa Tempatan - Kawasan A

Negeri	Pihak Berkuasa Tempatan
Wilayah Persekutuan	Kuala Lumpur dan Putrajaya
Pulau Pinang	Pulau Pinang dan Sebarang Perai
Selangor	Ampang Jaya, Kajang, Klang, Petaling Jaya, Selayang, Sepang, Shah Alam dan Subang Jaya.
Johor	Johor Baru, Iskandar Puteri

Pihak Berkuasa Tempatan - Kawasan B

Negeri	Pihak Berkuasa Tempatan
Johor	Batu Pahat, Kluang, Kulai, Muar, Pasir Gudang dan Segamat,
Kedah	Alor Star, Kulim, Langkawi, Sungai Petani dan Kubang Pasu
Kelantan	Kota Bharu
Melaka	Alor Gajah, Bandar Melaka dan Jasin
Negeri Sembilan	Nilai, Port Dickson dan Seremban
Perak	Ipoh, Kuala Kangsar, Manjung, Taiping dan Teluk Intan
Pahang	Bentong, Kuantan dan Temerloh
Perlis	Kangar
Terengganu	Kemaman, Kuala Terengganu dan Dungun

3.7 Kadar Bantuan Sara Hidup bagi pegawai yang di peruntuk Rumah Kerajaan adalah seperti berikut:

- a. Rumah Kerajaan dalam lingkungan 25 kilometer radius dari tempat kerja (pejabat) dibayar atas kadar separuh daripada kelayakan pegawai; atau
- b. Rumah Kerajaan melebihi 25 kilometer radius dari tempat kerja (pejabat) dibayar atas kadar penuh.
- c. Walau bagaimanapun perkara ini dikecualikan kepada staf yang dilantik sebagai Pengetua dan Felo Asrama serta staf yang menduduki Rumah Tunggu Sedia seperti mana yang dinyatakan dalam Pekeliling Pentadbiran Bilangan 21 Tahun 2019 : Penetapan Kadar Sewaan Rumah Bagi Staf Yang Mendiami Rumah Universiti Di UTeM.

- 3.8 Pembayaran Bantuan Sara Hidup hendaklah dibuat secara *proportionate* dalam keadaan di mana perkhidmatan atau penempatan pegawai tidak genap satu (1) bulan.

4.0 TARIKH KUAT KUASA

Pekeliling Pentadbiran ini berkuat kuasa mulai **1 Januari 2020**.

5.0 PEMBATALAN

Dengan berkuat kuasanya Pekeliling Pentadbiran ini, Pekeliling Pentadbiran Bilangan 7 Tahun 2012 (Kenaikan Kadar Bantuan Sara Hidup Kepada Staf UTeM) bertarikh 12 April 2012 dan Surat Edaran Pentadbiran Bilangan 22 Tahun 2010 (Bantuan Sara Hidup Kepada Staf Universiti Yang Mengikuti Kursus Atau Cuti Belajar Jangka Panjang) bertarikh 5 Oktober 2010 adalah dibatalkan.

Sekian, terima kasih.

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT
Ketua Pegawai Operasi
Universiti Teknikal Malaysia Melaka

sya/uddp/bgpo